

史其澍隨布三日乃止四野霑足枯者甦而什者起膏慶非惟喜有秋之望而尤喜其可足邊餉之供公之爲民憂國之心爲何如僉曰是功也伊誰之功與歸之于公公不自以爲功歸之于神神乃奉

上帝命以福斯民亦不自以爲功然非都憲公之德足以格天曷克臻茲而都憲公卒以功歸諸神公諱敏字公勉河南襄城人由名進士任監察御史歷廉憲左右方伯而陞今職在在有聲大同守安陸周侯正恐其事久無傳而遂命知渾源州事懷柔馮君珪求予文勒諸堅珉以紀其勝并載祝詞於左方云

恒岳志

卷中

登恒山記

楊述程 巡道

三

余夙覽五岳圖思嚮往其地久矣己酉歲奉命觀察冀中恒岳實居轄內辛亥春欲以祀典往謁岳神緣邊境不寧余爲計防禦事且不暇是歲孟冬廿日直指潘公觀風慰水故事兵使者以分疆例得陪視明日潘公將有事恒岳余導驄而往南行十里許至磁窯口兩岸峭削如門大類吾鄉劔閣諸峽泉流峽中澎湃奔瀉澎湃增減如建瓴而北爲神川云此處山光嵐色皆蒼蒼蔥鬱不似北方景山之東鑿石疊途直橋木磴又大類吾鄉連雲諸棧上有石窟架閣猶餘積木數二壘欲蓋傳者以爲宋初起